



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus V. De forma electionis.

---

[urn:nbn:de:hbz:466:1-73031](#)

gillatim, c. quia propter, h. t. & c. si quis, §. ult. eod. in 6. qui autem dat per literas, dat antescrātinum. Sed not. i. hoc solum in illis electioitibus procedere, in quibus forma scrutinij præscripta est in cit. c. quia propter; & accuratè servari præcipitur: non autem in alijs. Hinc in electionibus Regulatium, quæ sunt per schedulas ob-signatas, in urnam projectas, potest absens, vel infirmitate detentus, suum suffragium ita scriptum ad Capitulum mittere; Layman in c. penult. de elect. in 6. nū. 3. Not. 2. non procedere, si, quod nemo Capitularium velit subire munus Procuratoris, fieret ex fraude, vel coniunctione. Tunc enim locum habet querela contemptus; Tholofanus cit. c. 6. num. 9. Nam omnis fraus ab electione procul abesse debet, c. tam dilectus, de elect. Si autem Procurator constitutus, ex aliquo itiprivo casu ad diem electioni constitutum adesse non possit, terminus non ideo est protogandus; quia sufficit, absentes senelegitimi vocatos esse, licet non velint, aut possint adesse; sic Tholofanus cit. & deduci potest ex dictis.

## ARTICULUS V.

## De forma electionis.

1886. **U**T electiones titè fiant, quædam so-lentitates jure canonico præscriptæ sunt, servandæ tum ante, tum in ipso actu electionis. Ex his quædam sunt preparatoria electionis, quæ, ubi consuetudine recepta sunt, servari debent; omisæ tamen electionem non vitiant, & ideo pertinent ad electionis formam solum accidentalem. Haec autem sunt 1. utin die electionis celebretur Missa de Spiritu S. & Electores sacram Synaxin sumant; 2. ante horam electionis celebratidæ campana pulsetur ad Capitulum congregandum; ut dicitur c. in causis, 30. h. t. 3. ut ante tractatum electionis invocetur Spiritus S. tecumato hymno: Veni S. Spiritus; 4. ut ab aliquo fiat protestatio nomine totius Capituli, quod nolit ullum admittere ad electionem, vel ejus suffragium valete, cui non competit de jure jus eligeridi; 5. quod omnes abolvantur à censuris ad effectum electionis canonicae tantum, si adsit aliquis habens tales potestatem; 6. quandoque solet etiam præmitti tractatus, in quo plu-

res in Capitulo proponuntur, qui digni videntur ad Prælatutam, ut dicitur c. quod sicut, 28. h. t. V. Layman; de elect. Prælat. q. 71.

Aliæ porro solemnitates sunt substantiales, quæ per se, ac necessariò requiruntur ad electionem Prælati in Ecclesia viduata, presertim per scrutinium. Tres enim modi sunt eligendi, nimurum, per inspirationem, scrutinium, & compromissum. Per inspirationem fit, cum Electores nulla præcedente consultatione, quasi divini Spiritus impulsu excitati, simul omnes ita unum repente consentiunt, ac simul eundem eligunt. Per scrutinium fit, cum præsentibus omnibus, qui debent, volunt, ac possunt commodè interesse, tres de Collegio fide digni assumuntur, qui secrete, ac singillatim exquirant, & capiant suffragia cunctorum, ut pro ratione excessus in suffragijs juxta Canones quis eligatur: est autem scrutinium idem ac investigatio: per compromissum fit, ètuti plures idonei viri eliguntur, in quo omnino bene eligendi certo modo facilitas & potestas transfunditur. Unde, si intra limites acceptæ facultatis elegerint, id manebit adeo datum, ut etiam, electione minime secuta, re tamen non integra, potestas sibi demandata revocari jure non possit; c. quia propter, de elect. Quid sit concors electio, quæ habetur Clem. i. de jure, §. non eodem, exponit Alexan. ad L. suum, §. hodie, ff. de partis, distinguens dupl. concordiam. Nam altera dicitur plena, & vera re ipsa; quando omnes consentiunt, ita ut nemo dissideat: altera dicitur fictione juris, quando secundum Canones, & leges in electione alicuius requiritur, & sufficit major pars eligentium. Major pars, quamvis dici possit, quæ maiori innititur rationi, c. multis, dist. 17. tamen attenditur quoad numerum, sicut senior quod zelum Judicium. Et ideo electio, quæ alio modo, quam uno ex prædictis peragitur, irrita censetur, & qui ita elegerunt, pro ea vice potestate eligendi sunt privandi, ut dicitur c. cit. his positis.

## §. I.

## De electione per scrutinium.

**F**orma eligendi per scrutinium, ex 1888. plurimum Doctorum sensu continet hos

hos actus partiales 1. ut omnes, jus suffragij habentes, congregati sint, si adesse velint, & commodè possint, non uteunque, sed ad actum, pro quo vocati sunt, collegialiter, seu capitulariter celebrandum; 2. ut eligantur tres Scrutatores à Capitulo; 3. ut scrutinium, seu suffragiorum secreta collectio fiat per scrutatores à Capitulo electos; & hæc est *electio privata*; 4. ut fiat scrutinij publicatio; 5. suffragiorum collatio; 6. decretum Capitularis, seu communis electionis, ac ejus promulgatio; de his porrò singulis in seqq. & quoniam de vecandis Electoribus jam in præcedentibus actum est:

1889. Quæres 1. qui, & quot esse debeant Scrutatores? Rsp. debere esse *tres Viros*, fide dignos, electos ex, & à Collegio, seu Capitulo legitime congregato; ita habetur in c. *quia propter*, ibi: *affimantur tres de Capitulo, fide digni*. Sed not 1. numerum, ut scrutatores sint *tres*, aliquorum opinione non pertinere sic ad formam, ut si eligerentur plures, vel pauciores, electio eo titulo irrita foret, vel irritanda, modò electi tales sint, ut fraus impediri possit, vel fieri non possit, ut ait gloss. in c. *quia propter*, *V. senior*, quod videtur intelligendum quoad numerum ternariò pauciorum *in casu*, quo totum Capitulum consistit in personis paucis; non autem quoad numerum majorem propter periculum, vel fraudis, vel secreti; idque ex communi sententia, & praxi in consulendo, & judicando. Not. 2. etiam esse probabile, extraneum quoque, modò non sit laicus, posse scrutatorem constitui. 1. quia extraneus de consensu Capituli potest admitti ad eligendum, esto jure communi Electores debeant esse de Collegio; 2. quia sic usu receptum est in pluribus Ecclesijs Germaniæ; gloss. in c. *quia propter*, *V. senior*, & *V. Viris*. quamvis autem aliqui velint contrarium expressum esse in c. *quia propter*, & pateat ex isto textu, ibi: *tres de Collegio*; consuetudo tamen obtinuit, saltem in aliquot locis, ut scrutatores non ex Capitulo, sed aliunde sumantur exactò juramento de fide, & taciturnitate; sic Laymann l. 4. tr. 2. c. 13. nn. 6. & si justa causa subsit, etiam re non integra mutari possint scrutatores; sic Abbas in c. *quia propter*, §. *vel saltem*, nn. 1. ut si viderentur esse valde inhumani, aut partiales; alias

ab illis adjectâ causâ appellari posset; ita Pithing cit. *de elect. nu.* 164. Juramentum porrò illud, ubi in usu est, in manibus ejus, qui Capitulo præst, aut ab eo mandatum habet, præstandum est, ut notat Rodriguez tom. 2. qq. regul. q. 52. a. 3. quibus adde, scrutatorem, qui electioni interest, non hoc ipso jus suffragij habere; potest enim fieri, quod quis præscriperit jus electioni interessendi, sed non suffragandi; hæc enim iura separabilia sunt; sic Layman in c. *Cumana*, 50. b. t. n. 5.

Quæres 2. quo ordine scrutinium fieri 1890. debeat? Resp. quod hœc, ut scrutatores secretè, singillatim, ac diligenter ipsos Electores scrutentur, hoc est, vota cunctorum exquirant, ut habetur in textu c. *quia propter*, vel ut singuli seorsim coram scrutatoribus, & ab eis interrogati, eum dicant, quem electum volunt, & unus scrutatorum id annotet: vel verò, si unusquisque eligentium in schedula votum suum scribat secretè, & scriptum clausum tradat scrutatoribus, ita ut neque ipsis notum fiat. Duxi, *eum dicat*, seorsim ab alijs, qui nimis sunt de Capitulo; non autem alijs, qui necessariò, vel utiliter interesse possunt. Durante autem hoc scrutinio à scrutatoribus adhiberi possunt testes, & Tabellio, ad tollendam omnem fraudis suspicionem, ut notat Innocentius hic num. 1. & Abbas nu. 14. *Diligenter*, quod fiet, si, ubi scrutinium fit voce, ipsi scrutatores, vel unus ex ipsis deputatus, vel Tabellio, una cum illis adhibitus, vel loco ejus duo testes (qualiter fit in judicijs, c. *quoniam, de probati*) vota singulorum Electorū in scriptum redigant, c. *quia propter*, ibi: *& in scriptis redacta*. Not. autem, quod Tabellio, seu Notarius adhibitus non necessariò debeat esse Clericus, sed possit esse laicus; quia scribendo nullam potestatem exercet, sed nudum ministerium tempore; Abbas in c. *quia propter*, nu. 6. & hæc pertinent ad scrutinium, ut fiat diligenter, ut dicitur in c. *quia propter*, de quo *supr. Ordinatè*, nimis ordinе servato, collectionem votorum, seu suffragiorum incipiendo ab illo, qui præst Collegio; deinde, si scrutatores sint de Collegio, à se ipsis mutuò; & sic ordine ab alijs, secundum prærogativam, & gradum dignitatis. Si duo essent paris gradus, præcedit, qui antiquior est, vel prout fert consuetudo; vel rectius

rectius, si scrutatores ( ex suppositione, quod habeant jus suffragij) prius dent sua vota; postea is, qui praest Collegio, ac tandem reliqui secundum ordinem. Ubi sunt tres; reliqui duo exigunt a tertio, postea is cum altero, ab alio; ac tandem ab ultimo priores duo. Si autem sint tantum duo, unus vicissim alterius suffragium scrutabitur.

1891. Not. autem 1. non obstat, constitui a Capitulo alios, qui exprimant Scrutatorum suffragia; ut docet Tholosanus de elect. c. 16. Not. 2. postquam exquisita sunt suffragia omnium presentium Electorum in loco Capituli, seu electionis, teneri Scrutatores, si qui ex Electoribus sint in eadem domo, civitate, sed infirmi, ut locum electionis accedere non possint, eos adire, ac illorum suffragia exquirere, iisque exquisitis statim ad locum electionis redire, nisi illi loco sui malint Procuratorem constituere; alias enim censerentur contempti; aut electio non esse ab omnibus presentibus; quia tales ex dictis pro presentibus habentur. Not. 3. si propter multitudinem suffragiorum uno die scrutinium absolviri non posset, non obstat, & unum fore scrutinium, esto sequenti die reliqua exquirantur; ita Pirrhing de elect. num. 168. in fine; si autem ante absolutum scrutinium aliquis scrutator moriatur, vel discedat, alias subrogari potest, qui illud perficiat; sic Tholosanus cit. c. 16. num. 9. an autem, & qualiter ante scrutinium ab Electoribus juramentum exigi possit, aut debeat? dicemus infra.

1892. Quæres 3. quid agendum absolutâ scrutinio, seu receptis jam votis omnium? R<sup>e</sup>. in c. quia propter 42. h. t. dispositum esse, ut primum habentur omnium Electorum suffragia collecta, & in scriptum redacta, mox (nullo scilicet alio actu extraneo interposito) faciendam esse eorum publicationem coram omnibus, a scrutatoribus, vel uno nomine omnium (aut, his impeditis, ab eo, vel eis, quos Capitulum constituit) suppressis tamen eligentium nominibus, ut appearat, quisnam, vel qui electi sint. Hæc publicatio pertinet ad formam substantiam electionis sic, ut eam omissam, electio corrut; sic Innocentius in c. quia propter, de elect. num. 6. Dicitur: nullo actu extraneo interposito; si enim secus, electio esset irrita, ut dicitur c. quia propter; excipe,

nisi hoc fieret ex industria, & in fraude in Canonis, ut scilicet electio ex intervallo facta, irrita declaretur; quia tali casu valida esset, licet non facta in continent, c. publicato § 8. h. tit. ibi: publicatio scrutinio, variare nequeunt Electores, cum sit facienda collatio, & electio celebranda, ad quod per Superiorum, si oportuerit, compellantur. Ex quo habetur, Electores compelli posse, ut statim procedant ad collationem votorum, & reliqua; & quidem ab eo, ad quem spectat confirmatio, si moniti procedere velint. Quapropter, si scrutinij publicatio differatur, is, qui electum se arbitratur, aut aliis quilibet e Capitulo petere potest, ut scrutinium publicetur, arg. cit. c. publicato. Et ideo statutum fuit, ut suffragia, postquam in scriptum redacta sunt, suppressis nominibus suffragantium, mox, sive in continent, id est, nullo actu alio interposito, publicentur; quia ante publicationem Electores ab electione sua recedere possunt, non item post publicationem, c. publicato § 8. h. tit.

Quæres 4. quem effectum pariat publicatio suffragiorum? Resp. quod post publicatum scrutinium Electores variare non possint, hoc est, suffragium datum revocare, & alteri dare; sic Layman in c. Postquam, 3. h. t. n. 2. Statim igitur ad votorum collationem progredi debent, & electionem communem celebrare. Quia post scrutinij publicationem censentur Electores functi officio suô, ipsis a jure concessa. Secus est in his, qui eligunt ex jure proprio, & libero; & non ex potestate Superiori specialiter concessa, c. publicato, de elect. Ratio sumitur ex cit. c. quia propter, ibi: & in scriptis redacta mox publicent in communis: nullo prorsus appellatiois obstaculo interjecto: ut is collatione habita eligatur, in quem omnes, vel major & senior pars Capituli consentit.

Circa hoc, quod diximus, Electores, publicatio scrutinio, non posse variare, non intelligi 1. tam de singulis seorsim, quam omnibus collegialiter in Capitulo congregatis; sic Innocentius, & Hostiensis in c. publicato, V. nequeunt; deinde etiam de his, qui post publicatum scrutinium in locum abeuntium, vel discedentium sunt substituti. Tenentur enim eum eligere, cui per publicatum scrutinium est jus quæsumum, ut alius eligi non possit ante

F f f 3 consentit

consensum ejus requisitum; Fagnanus in cit. c. n. 22. demum etiam de Superiore, ad quem ob negligentiam, vel contumaciam Electorum, post publicatum scrutinium, intra præfixum tempus non eligentium, devoluta est potestas eligendi; sic Joannes Andreas hic n. 29. Si autem post publicatum scrutinium advertitur, erratum esse in forma, nullo jure cautum est, quod cassata priori electione teneantur ad eundem eligendum; sed potius, eos potestate eligendi pro ea vice privandos esse, c. quia, propter, cit. §. qui verò ibi: qui verò contra præscriptas formas eligere attenterint, eligendi ea vice potestate preventur.

1894. Not. 2. doctrinam hanc (quod Electores publicatō scrutinio non possint variare) limitari, ut non procedat 1. si publicatō scrutinio (sive facta, sive non facta collatione) appareat, antequam facta, & promulgata est electio communis nomine, quod plures habeant aequalia suffragia, vel nullus numerum requisitum. Nam tali casu iri potest, vel ad secundum scrutinium, vel in aliquos compromitti, vel minor pars majori accedere; Tholosanus de elect. c. 16. n. 15. & c. cum in jure, 53: de elect. sed hic est sermo de electione per Compromissum; limitari debet 2. ut locutus sit variationi publicatō scrutinio, sed ante communem electionem promulgatam, si appareat indignum, seu laborantem defectu canonico electum esse. Nam pena privationis lata in scienter eligentes indignum eo casu à nullo est contracta adhuc, cum nascatur solum, cum electio est perfecta, & completa, c. perpetuò, 7. de elect. in 6.

Cum enim dubitatum fuisset, utrum penas decretas in c. Cum in cunctis, de elect. incurvant Electores, si in personam indignam vota sua scienter dixerint, sed electio communis secuta non sit, quamvis scrutinium publicatum? hanc quæstionem definit Gregorius X. in eodem Conclilio c. 6. respondit: tametsi hi graviter peccarent, & ob id etiam ab Apostolica Sede puniri possint; penas tamen c. cum in cunctis, delectas contra indignum eligentes in hoc casu Capitulates non incurvant: ideoque ad aliam electionem procedere possunt, imo debent; ratio responsionis est, quam hic affert Joannes Andreas, quia

pœna intelligi debet cum effectu, c. relatum, de Clericis non residentibus: isti autem non processerunt ad electionem, quippe quod post publicatum scrutinium nomine Capituli communiter fieri debet: ergo non incurvant pœnas decretas contra eligentes indignum. Textus sic habet: perpetuò sanctionis oraculo declaramus, quod scienter in electionibus nominantes indignum, propter suffragium in scrutinio præstato (nisi adeò in eo perfisterint, quod ex votis eoram communis electio subsequatur) nequam eligendi potestate privantur. Licet pro eo, quod indignum nominandum, scienter contra conscientias suas agunt & diuinam vindictam, & Apostolica ultionis metum (quem qualitas facti suscitavit) possint non immoriori formidare.

Si quereras, quid dicendum, si in aliqua Ecclesia consuetudine, vel privilegio obtentum sit, ut per suffragia a singulis præstata, & publicata in Capitulo electio perficiatur ejus, qui in aiores Collegij præsentis partem habet? Resp. in hoc casu Electores incurre pœnas, c. cum in cunctis, si tali modo indignum scienter elegerint; quia ea constitutio ab Alexandro III. generatim edita est contra eligentes indignum, antequam forma electionis ab Innocentio III. in c. quia propter, constituta esset.

Limitari debet 3. si per publicatum scrutinium nominatus, juri suo expressè, vel tacite renuntiet; quia tunc ei nullum fit præjudicium, cui cavendo cateroquin Electoribus variatio non licet publicatō scrutinio; id, quod etiam procedit in compromissariis procedentibus ad electionem viæ scrutinij, in Patronis Ecclesiarum, & in postulatione. Electores tamen ante publicationem scrutinij variare posse, colligitur per contrarium sensum ex c. publicato; quia singulorum electio nondum publicata coram Capitulo, facta solum coram Scrutatoribus, nondum est completa, & collegialiter facta, quod verum est, esto ante publicationem Scrutatores à loco Scrutinij recesserint.

Not. 3. si post publicatum scrutinium competiant, aliquem contemptum esse, seu non vocatum, qui vocari debuisset, Electores non posse novum scrutinium inchoare, sed teneri procedere ad collationem votorum, & electionem nominati;

quia

quia suffragatio fuit valida ; licet irritari possit ad petitionem , non quidem eligentium, sed contempti . Et si hic scrutinium petat irritari , novum scrutinium fieri debet , si nondum ad electionem communem sit processum , c. Ecclesia , 48. de elect. Cæterum haec scrutinij forma in cit. c. quia propter , præscripta , non in omnibus Ecclesiis exactè servatur , propter consuetudinem in illis contraria . Nam in quibusdam , etiam Cathedralibus , satisfactum judicatur , si post juramentum de idoneo , secundum conscientiam suam eligendo , aliquem Scrutatoribus nominent , qui exquiri soleat , quibus rationibus , seu quo Zelo moveantur ; sic Layman in cit. c. quia propter , n. 6. q. veruntamen .

Quæstio est 5. an , & qualiter facienda sit collatio suffragiorum ? Resp. quod post publicatum scrutinium , statim fieri debeat collatio suffragiorum , c. quia propter , ibi : collatione habita ; hæc collatio fieri debet ideo , ut appareat , quis sit electus à majori , & saniori parte Capituli ; si omittatur , electio irritanda est , c. Cumana , de elect. & Electores pro illa vice privandi sunt potestate eligendi , cum egerint non servata formâ substanciali , ad quam pertinet collatio suffragiorum ; fieri debet vel à Scrutatoribus ( si ad hoc acceperunt , aut novum mandatum , aut saltem tacitum consensum Capitularium ) vel alijs per Capitulum deputatis ; Layman de elect. Prælat. q. 76. Antequam autem resolvamus , qualiter in specie facienda sit collatio suffragiorum , quæri potest 6. qualia debent esse Electorum suffragia ? Resp. de hoc agit c. 2. de elect. in 6. ubi dicitur : suffragia in electione per scrutinium , quæ sunt conditionata , vel alternativa , & incerta , ipso jure irrita esse , & pro non datis haberi sic , ut omnis deinde vis suffragandi penes alios residat , qui legitimè suffragati sunt . Ratio autem hujus constitutionis esse videtur ; quia , cum isti actus prætentur à Prælatis Ecclesiasticis ex officij necessitate , ut Ecclesiis , & beneficijs , ex vacatione longiori , detrimentum caveatur , & statim provisum sit ; numerantur inter actus legitimos , qui conditionem non recipiunt , neque diem , juxta reg. 50. in 6. adeoque purè præstari debent , de quo V. l. 4. tit. 5. à n. 770. Et ex hac ratione nec datio Tutoris conditionem , vel diem re-

cipit per reg. 78. ff. de reg. jur. Et quoniam non tantum electio , quæ fit per formam scrutinij ; sed etiam alium modum , compromissi , &c. item postulatio , est ejusmodi actus legitimus , etiam de suffragijs in istis idem dicendum venit .

Præter hæc not. 1. si quis dicat in suo suffragio : eligo Titum , si etiam Cajus cum eligit , suffragium esse conditionatum ; si : eligo Cajum , vel Titum , esse alternativum ; si : eligo illum , in quem Cajus consenserit , esse incertum , ut notat glossa in cit. c. 2. Secundò , excludi suffragium conditionatum sub conditione non tantum de futuro , sed etiam de præsenti , vel præterito , si id Electoribus sit incognitum ; quia tunc continet incertitudinem : si tamen adjiciatur conditio , quæ tacite , seu suapte naturâ inest , votum non rejicitur ; ita gloss. in cit. c. 2. V. incerta ; quia hæc conditio solùm exprimit , quod in actu per se continetur , nec eū suspendit , aut incertum reddit ; intellige , si exprimitur , sicut inest , propter dicta l. 4. à n. 772. de natura harum conditionum . Et in specie reprobatur hoc suffragium : eligo Titum , si ipse consenserit ; quia electus consentire debet electioni de se factæ , seu puris suffragijs de se datis ; quod in hoc casu fieri non posset , ut recte notat Joannes Andreas in cit. cap. 2. n. 6. Not. 3. cum dicitur , suffragia conditionata , alternativa , & incerta rejici , & jus eligendi tunc residere penes alios , qui sua suffragia legitimè dederunt , intelligi de suffragijs in scrutinio datis , & postea publicatis . Nam ex his ius oritur celebrandi electionem capitularem , seu solennem . Hinc ante publicationem illi possunt errorum suum emendare , arg. c. publicato , 58. b. t. Si autem ex puro consensi alienum non haberentur sufficientia suffragia ad electionem ex eo scrutinio , & eundum esset ad secundum scrutinium , ad hoc admittuntur ii , quorum vota priùs rejecta sunt , quia fuerunt conditionata , incerta , vel disjunctiva ; gloss. ad c. 2. de elect. in 6. V. Residente ; ubi autem illa sufficient , non videatur Capitulares novum scrutinium inchoare posse ; cum ( ut hic cit. c. 2. dicitur , junct. c. publicato ) habitis sufficientibus votis electio mox celebrari possit , ac debeat ; his præmissis , loquendò de collatione facienda , & ijs , quæ in specie observanda sunt :

Inter

1900. Inter quæ primum est, quod facienda sit collatio numeri ad numerum, cum se fit debeat, quis electus sit à majori parte; hæc enim consistit in numero, per n. 1888. & habetur ex c. in Genes., 55. de elect. ubi dicitur, quod irrita sit electio, quam collatio non precessit, vel quæ facta non est à majori parte Capituli, vel quæ non fuit communis. Ex quo c. prætetea colligitur, in electione Canonica Ecclesiastici Prælati (non autem in electionibus ad alios personatus, vel beneficia) non sufficere consensus singulares, seu singulorum Capitularium, sed subsequi debere communem electionem modo collectivo enuntiatam: *Ego nomine meo, & omnium consentientium eligo, &c.* ita cit. c. in Genes., & in c. quia propter, 42. b. t. c. sicut, 21. cod in 6. Ratio est; quia ita visum fuit Sacrorum Canonum conditoribus, ut Prælati electio, sicuti non sit à personis particularibus, sed à congregatione, sive collegio; ita etiam verbis explicaretur. Verum id duntaxat locum haber in Ecclesiasticis electionibus Prælatorum, in quibus necessariò observari debet forma præscripta in cit. c. quia propter; non autem in Capitularibus electionibus ad alios personatus, vel beneficia, in quibus sufficit, si consensus à singulis, secundum majorem præsentis Capituli partem, explicentur; cum neque naturali iure, aut consideratè naturâ electionis secundum se, plus requiratur; & hæc est doctrina glossæ à pluribus receptæ in cit. c. sicut, V. formam.

1901. Sed not. majorem partem Capituli, seu eligentium hic non dici eam, quæ est major comparatione aliarum partium minorum, quæ diversas personas eligunt; gloss. in c. sicuti, V. minorum de elect. in 6. sed quæ est major totius Capituli præsentis, ut constat ex c. in Genes., cit. Facienda est 2. collatio Zeli ad Zelum, quo innuitur expendendas esse intentiones, & motiva, quæ exposuerunt eligentes, ob quæ hunc potius elegant; si enim attendatur, quo affectu, ex quibus causis in hanc personam consentiant, facile colligitur, quæ pars sanius elegerit, c. in Genes., cit. Facienda est 3. etiam collatio meriti ad meritum ipsius electi. Nam ex hoc etiam appetit idoneitas electi, vel quis ex electis sit magis idoneus, & Ecclesiæ utilis futurus, cit. c. in Genes.

Not. autem 1. si duæ partes eligentium consentiant in unum, licet in aliud pars minor vota sua dirigat, opus non esse collatione Zeli, & meriti, ut dicitur c. Si quando, 9. de elect. in 6. ibi: si quando contigerit (duabus electionibus celebratis) partem alteram eligentium duplo majorem numero inveniri: contra Electores, qui partem reliquam sic excedunt, ad extenuationem Zeli, meriti, vel auctoritatis ipsorum, reliquis vel electo ab eis, aliquid opponendi omnem præsenti decreto interdicimus facultatem. Si quid autem opponere voluerint, quod votum illius, cui opponitur, nullum reddere ipso jure: id eis non intelligimus interdictum.

Ex hoc nascitur quæstio, quæ pars altera præferenda sit; si una eligentium pars sit major numero, altera vero dicatur esse sanior? Resp. distinguendum esse; nam vel una pars in numero valde notabiliter excedit alteram; vel non excedit multum; si primum? pro illo pronuntiandum, modò electus sit absolute idoneus, non obstante, quod altera, sed notabiliter minor numero, sit sanior. Nam in casu, quo alterutra electio admittenda est, præferri non potest ea pars minor, quæ tertiam eligentium partem aut non excedit, aut vix; id, quod etiam dicendum est, si pars in numero minor, alteram modicum superat spectato merito electi, & eligentium auctoritate; nam propter modicum excessum recedi non debet à communi regula, quæ statuit, rata esse debere, quæ à majori parte Capituli gesta sunt, c. 1. de his, quæ sunt à maiore: si autem multum excedat, non propterea valet horum electio activa; cum propterea censeri non possit à majori, & saniori parte Capituli facta; quamvis tunc nec altera confirmari debeat, ex eadem ratione; & pars minor numero, sed sanior, contra illam agere possit, ut altera irrita pronuntietur. Et ideo in casu, quo una pars numero, non tamen multum major staret pro uno; altera verò minor numero, sed sanior, hoc est, spectato merito electi, & eligentium auctoritate major, sed non multum, nulla electio valeret; sed procedendum foret ad novum scrutinium.

Not. 2. si unus tantum electus fuit, non tamen à duabus partibus eligentium, sciendam esse collationem numeri, Zeli, ac meriti. Numeri, an adfuerit sufficiens

nume-

numeris eligentium, an omnes habuerint vocem, &c. Zeli, an recta intentio ne, &c. meriti, an electus non habeat impedimentum Canonicum, &c. Abbas in c. quia propter, n. 10. in quibusdam tamen Ecclesijs, præsertim Regularibus, non alia sit collatio, quam numeriad numerum; reliqua enim ob statum eligentium præsumuntur, & multa ex privilegio non observant in forma scrutinij; Clem. 1. §. denum, de Verb. signif. & Layman in c. quia propter, h. tit. n. 8. Hinc si post publicationem scrutinij, circa electum, nulla moveatur quæstio, sufficit collatio generalis, v. g. iste habet tot suffragia; Electores processerunt bono Zelo; electus propter suas dotes dignus est; sic Innocentius in c. in Genesij, num. 2. & Abbas, n. 7.

1905. Dixi: si post publicationem scrutinij nulla quæstio moveatur, v. g. an omnes, qui debebant, & poterant, ac volebant, præsentes fuerint? an fortasse hujus, vel illius votum fuerit validum? vel quia datum ab existente in censura, vel quia fuit dubium, & incertum, &c. an electus non laboret aliquo inhabilitatis vitio, v. g. natalium, defectu scientiarum, morum, Ordinis, &c. Nam tali casu prius, quam fiat communis electio, exacta discussio fieri debet, non quidem per modum judicij, sed solum causâ veritatis cognoscendæ ad præsens negotium ritè peragendum; cuius ratio est ex generali doctrina Abbatis in c. in Genesij, h. t. n. 2. dicentis: si in Capitulo inter Capitulares controversia oritur, eam à Capitulo definiti non posse; tametsi ponamus Capitulum jure speciali (v. g. præscriptæ consuetudinis) jurisdictionem in singulos exercere: praterquam si causa (v. g. alicuius Capitularis injuria) admodum notoria sit; alioquin enim Capitulum in causa propria judex esse non potest, L. n. 11. C. ne quis in sua causa judicet.

## Q. II.

An in omnibus Prælatorum electionibus forma scrutinij servandas sit?

1906. L Oquimur de illa, quæ præscribitur in c. quia propter, §. statuimus, ibi: statuimus, ut, cum electio fuerit celebranda, præsentibus omnibus, qui debent, & volunt, & possunt commode interesse, assumentur tres de Collegio fide digni, qui se-

Tom. I.

cretè, & sigillatim vota cunctorum diligenter exquirant, & in scriptis redacta mox publicent in communi: nullo prorsus appellationis obstatculo interjecto, ut is, collatione habita, eligatur, in quem omnes, vel major, & senior pars Capituli consentit. Vel saltem eligendi potestas aliquibus viris idoneis committatur, qui vice omnium Ecclesie viduare provideant de Pastore. Alter, electio facta, non valet: nisi forte communiter esset ab omnibus, quasi per inspirationem absque vitio celebrata. Quia vero contra præscriptas formas eligere attentaverint, eligendi ea vice potestate priventur. Tridentinum autem sess. 25. de Regularibus c. 6. sic loquitur: In electione Superiorum quorumcunque, Abbatum temporalium, & aliorum Officialium, ac Generalium, & Abbatissarum, atque aliarum Præpositorum (quo omnia rectè, & sine ulla fraude fiant) in primis sancta Synodus distinctè præcipit, omnes supra dictos eligi debere per vota secreta, ita ut singulorum eligentium nomina nunquam publicentur. Nec in posterum licet, Provinciales, aut Abbates, Piores, aut alios quoscunque Titulares, ad effectum electionis facienda constituere, aut voces, & suffragia absentium supplere. Si verò contra hujus decreti constitutionem aliquis electus fuerit, electio irrita sit, & is, qui ad hunc effectum se in Provincialem, Abbatem, aut Porem creari permiserit, deinceps ad omnia officia in religione obtinenda inhabilis existat, facultatesque super his concessæ eo ipso abrogatae censeantur, & si in posterum aliæ concedantur, tanquam surreptitiae habeantur.

Circa hæc decreta not. 1. hanc formam, quæ præscribitur in c. quia propter, pertinere ad electiones in Ecclesijs Cathedralibus, ut liquet ex rubrica c. quia propter, quamvis nigrum, seu textus expressè loquatur indefinite de Ecclesijs viduatis; & eam esse de substantia electionis (cum non servatae statuantur pæna nullitatis) tenet communis cum Layma in cit. c. quia propter, n. 12. & colligitur ex verbo: statuimus, quod est novi juris inductivum, ut docet Garcia de benefic. p. 3. c. 1. n. 9. excipitur tamen 1. privilegium eximens ab hac forma, vel in totum, vel in certis conditionibus; 2. nisi in contrarium præscriptum sit; 3. nisi Electores essent valde pauci, ut

G g

ser-

servare non possint formam scrutinij ; 3. etiam consuetudo legitimè introducta in quibusdam Ecclesijs Germaniæ.

1908. Not. 2. hanc formam , juxta Imolam in cit. c. 42. nu. 3. & alios , servandam esse etiam in electione *Abbatum* ; 2. in electionibus *Prælatorum in Ecclesijs Collegiatiss* , qui in illis habent jurisdictionem generalē ; item in electionibus *Prælatorum regularium* , v. g. Priorum , Guardianorum , & similiū , juxta gloss. 1. hic & Abbatem à nu. 7. nec in his quidquam derogatum esse à Tridentino *sess. 25. de Regularib[us]* , c. 6. secundum Azor p. 1. l. 13. c. 10. q. 3. non autem in electionibus inferiorum , quorum obitū , vel depositione officij , non viduatur Ecclesia , ut ex pluribus notat Barbosa in cit. c. 42. nu. 7. nam textus solum loquitur de electione , qua prævidendum est Ecclesia viduata .

1909. Sed circa hanc formatam in c. quia propter præscriptam , in alijs quoque Ecclesijs , præsertim Regularibus observandam , non æquæ convenientiū Auctores . Nam post Tridentinum supra relatum , censent aliqui , hodiē sufficere , quod vota sint secreta ex dispositione prædicti decreti absque alia forma ; sic enim affirmat Miranda , in Manual. Prælat. tom. 2. q. 23. a. 15. afferens , dispositionem textus in c. quia propter de elect. modò sublatam esse per Concilium in præsenti : ac rectius negat Azor cit. Zerola in præxi Episcoporum p. 1. V. Abbatissas , §. 6. & complures alij apud Barbosam in cit. loc. Trid. nu. 18. ex hoc enim , quod Concilium dicat , omnes electiones Regularium debere fieri per vota secreta , non tollit formam cap. quia propter ; sed solum ordinat , qualiter deinceps vota danda sint . Quare omnino etiam in his servanda est ; nisi adsit una ex causis excusantibus , de quibus n. 1907.

1910. Not. 3. ad ea verba Tridentini (per vota secreta ita , ut singulorum eligentium nomina nunquam publicentur ) discordare Doctores in assignandis casibus , quibus contingat , Electorum nomina non manere secreta , & consequenter irritō , ac nulliter electionem celebrari . Quidam enim volunt ( ut videri potest apud Barbosam cit. ) non officere , quod sciatur suffragium unius , vel alterius , sive fiat per malitiam , sive per errorem ; sed requiri , palam fieri majorem partem de nominibus Electo-

rum : sed obstare videtur textus : *singulorum* ; & ideo alij censent hoc decreto caveri , & obstringi tam Electores , quam scrutatores , ac demum omnes , qui dant , & recipiunt secerò suffragia , ne permittant aliquid fieri , ex quo publicari possint nomina eligentium (& probabiliū , etiam unius ) & si tale quid factum fuerit , electionem non valere ; sic Frater Emanuel Q. *Regul. tom. 2. q. 52. a. 9.* Nam id , quod Concilium cavere voluit , est satis commune periculum gravium malorum , sèpe nascentium ex notitia , quis consenserit , quis non consenserit in talem personam .

Censet autem Navarr. de elect. in edit. nov. consil. 9. electionem per secreta suffragia postulari , vi hujus decreti , solum , quando fit per scrutinium ; non autem si per compromissum ; & in eo casu adeò stricte hoc decretum esse intelligendum , ut si post electionem factam in Bullis confirmationis , seu patentibus exprimerentur nomina eligentium , electio esset nulla , refert decisum Castellinus de elect. c. 4. nu. 6. 1. & quidem semper , etiam electione confirmata , ut liquet ex textu ; ibi : eligentium nomina nunquam publicentur .

## ARTICULUS VI.

*De electione communi , seu solenni.*

Notandum , scrutinium , seu suffragia 1911: electionem eligentium coram scrutatoribus , esse quidem electionem , sed in privato ; nam ab hac primum fit suffragiorum collatio , & ista debite finitam , fit electio in publico , per publicationem , & acceptationem , quæ vocatur *electio communis* , Capitularis , & solennis , prout sumitur ex saepc. cit. c. quia propter , & observat Streinius p. 1. jur. Can. tit. 6. §. 2. nu. 3. & in c. 55. h. t. & §. fin. c. 42. eod. reprobatur electio non communis , seu clandestina , per quam intelligitur ea , ut notat gloss. fin. in loc. cit. quæ nondum est publicata in Capitulo ; & nisi mox publicetur , non valet . 2. etiam illa , quæ fit clandestina , & in conventiculis , hec tamen , si non publicetur , non vitiatur , nisi Electores de ipsa non publicanda convenerint . Not. 2. si scrutatores publicationem scrutinij , seu electionis privatæ de quacunque causa differeo vel-